

Wed 14th Sep. 1898

大清光緒廿四年

本館新開除禮拜外每日出報一
紙外埠均可函致本館取
閱如外埠閱報加寄費不
也除日本英法德俄美各國
借工本從英法德俄美各國
紙各機器以待與英法德俄
刊印書簿單件並有英法德
體活字及各式花邊等延有
西人排印工藝甚精所有中
印文字大小機器均用精工刊

第五千零四十三號

申報

(號七第牌門口武巴舊在設開館本)

印工緻細倫並延有文士書
寫各種文字現由上海購到
各種書籍各項價甚相宜再
刊佈所登各項原稿其有無
世道人心者附登其亦須無
礙於人而後始錄其有謾罵
成文以及支離費解者概不
登錄嗣後諸君來札尚祈
自諒更須寫實里而後敢
將原稿收回也本館謹白

戊戌七月廿九日

英大一千八百九十八年九月十四號拜三 仙查字每日常告倘五張每份銀一月每種

論小呂宋禁止華人新到事

小呂宋一埠向為西班牙管轄華人之至彼貿易及謀工業者實繁有徒曾定約章華人於入口登岸之際先繳銀四十元每年復抽十二元身稅如過返故國及收出口稅銀二十元如此要求已覺華人之吃虧特甚但以此政教號令彼可自專苟能相安夫亦何感自車輿以後改為美國司其權乃出新章概不准華人新至此殆以舊金山之例而行之也夫華人何礙於美而故為是之不情哉如謂華人工賤而力堅於其所治之工人未免有礙然其地初歸管轄美人之至彼當工役者想亦寥寥如小呂宋之土人預謀亦覺未臻於至當何也蓋當兵燹之後元氣已傷凡該處一帶之商民均苦家室漂離事業潰亂按該處商務以糖柳麻二者為正宗其餘則以下無幾矣似此生理冷淡荷非用招徠之術以導之則其卑必至不振美國此舉殊非計也且美國政擊該埠之際得鄉導之力居多未必華人無少裨於美國今乃過橋抽板未免不情豈於戰勝之餘即可妄行威福歟顧此例自彼行之想亦別有主腦固不可諱而爭也是在於中國駐彼之領事據理直爭而已按該埠初無華領事近始命陳君網善為之陳君乃閩籍人以進士捐中書特授此職緣君之封翁最長久賈於小呂宋為眾望所歸凡抽稅之資與出入口之經費俱歸封翁繳納行之有年中國朝廷因入善任以其箕裘之紹人地相宜故特委之也既承 簡命當職思其居視此苛例新頒烏可膜視為陳領事計當據理分剖而美廷力爭如一開其端則此後難免矣夫彼之所謂新至者與舊金山迥殊綠當美班交綏之時華人之在小呂宋者每受池魚之禍中國官宰既不於先事為之保護僅得伍星使一請求護於英是否無虞仍在不可知之數又因無據指為新至之人使其夙昔之經營歸於烏有撫心自問安可謂平緣其於倉皇出走之時未遑後計也若一概抹煞舊客成新則其平日所遺憑誰壁越可謂呼天無籲者矣且此例之設實與通商之和約不符彼之來華者中國則護之而華人之至彼者則如是之棘手彼此相計似於情理有乖如謂華人之出洋多是貧賤之輩其所司之工務薪水無多按諸鷄鶩爭食之嫌極於土人有礙國以民為本彼以愛民計故如斯也曾亦思中國自通商後利皆外溢華商大吃苦虧中國君臣何嘗阻其銷路民固國本財亦為養命之源乃中國則受其害而聽之則知其害而止之夫亦欺中國太甚矣陳領事為新發之矚當於此例力向美廷申訴當此積弱之際如事將就其更難支子產有詞諸侯所賴勿畏其難而忽之也噫中國當積弱之餘即設領事駐紮外地亦不過徒擁其名欲如外國領事之能與政權調兵艦者已無可望今陳領事之履此任向其勉為鐵中之錚錚者乎英雄做事好為其難陳領事之經濟若何當於此舉決之矣或曰中國之時勢若此向何理之可爭亦惟如張公治家手書百忍兩字而已誠如是也又何重於領事一官徒成嗜痂以傷國體哉

諭旨恭錄

○七月初七日奉 上諭張之洞等奏沙市客民無故擊斃焚毀關局延燒華洋房屋房犯訊結一摺本年閏三月間沙市地方因湖南幫客民與招商局內更夫滋事焚毀關局延燒華洋房屋糾眾放火焚毀房屋實屬巨無法紀除情節最重之余以仁李得勝張泰貞袁輝煌等四犯業經訊明正法外所有聽從滋鬧之易子即成應等及倚勢行兇之更夫周順興均著照所議分別監禁枷責招商局董同知銜候選知縣張鴻澤袒護更夫至釀巨案南幫會首從九品職銜楊玉階於該幫糾眾滋事不能約束一併斥革永不准報効軍營更名捐復並即行驅逐回籍毋任逗留管帶沙防營勇總兵江得意近駐該鎮於匪黨滋事不能彈壓解散著以都司降補哨官游擊李心鑑把總池士等均著即革職江陵縣知縣劉乘彝甫經到任事起倉猝驟出巨案雖據將首要各犯拿獲多名究屬防範不嚴著降一級留任管帶荆泅水師副將張國楡因所帶各船一時艱於調集尚非保護不力著俟至補官日降一級留任以示懲儆至英日兩國公富洋行損失貨物業經該監督會商各該領事分別賠補沙市關稅務司毀失衣物亦經另行補給嗣後仍著該督撫嚴飭地方官遵照五月二十四日諭旨凡通商各埠地方尤當實力保護毋任以薄物細故輕啟畔端仍有疏處定將該管各官從嚴懲處餘著照所議辦理該衙門知道欽此○十三日奉 上諭廣西會匪滋事迭經諭令黃槐森督飭各營迅速勦辦前據奏報慶獲勝仗攻破賊巢乃數月以來尚未



能殄厥渠魁悉數撲滅所稱迭有拿獲難保無捏報邀功情弊該撫因循貽誤實屬咎無可辭黃槐森著即摘去頂戴迅督各營勒限一個月將會匪一律掃盪如再不知振作任令蔓延日久貽害地方必當加以重懲凜之欽此○同日奉 上諭山東布政使著張人駿調補岑春煊著補授廣東布政使欽此

檳榔嶼鬧事專電 ○昨接檳城發來專電稱嶼地是日有人結黨械鬥其勢甚狂經有一二人死于是役現幸事已漸平國家經已派有巡差出而彈壓矣

奧后被弑電音 ○本坡實得力太晤士西報接二十六日英京來電云有意國下那芝黨人名六芝尼者於禮拜六日在兒尼華路中竟用短刀將奧后弑殺即經眾當場將該兇執獲云云廿七日來電又云奧后時由某酒店而出欲往碼頭因被該刺客用柳葉挾刀向其胸間直刺后初被刺猶未知之以為有人欲搶其胸前所掛之時表有頃始覺不禁失聲倒地越時三點鐘久即已覺殞因此之故奧京人心搖動異常在眾所料則下那芝黨人必已預行定謀故有如斯舉動也來電所言如此按后年已六旬有一於一千八百五十四年時適與奧王為配生有王子一人公主二人其子於一千八百八十九年時則因兒女私情不能遂志竟致自戕畢命后因此故哀傷過甚遂致舉措失其恒度至

后生平最善馳馬每值英意兩國會獵之際常往與於獵事今忽無故而突遭意外洵足感傷其所尤難堪者則奧王當此殘年忽遇駕禍橫分正不知其若何哀慟矣查奧王人甚圓融凡諸政事多取決於大臣已不過從而書諸生平與后甚敦伉儷而后亦儉朴異常平日出門輕車減從不異民間婦女且復於世無爭於人無與又何至結黨人之怨而罹此奇凶意者該刺客係患失心抑或錯認他人故而下斯毒手者乎

班國電音 ○本坡實得力太晤士西報接二十七日英京來電云班國議院已允照前所擬與美國講成之款而行矣兵敗財空將亡地失則惟大邦之命是聽安敢不從班國如斯亦可哀矣

埃及電音 ○本坡實得力太晤士西報接二十七日英京來電云英國進征加東之隊現已從速撤回埃及凡船艦所能勝載者莫不滿載以行大有不可終日之勢夫凱旋奏捷何用如斯亟亟意者該處地方太熱英人於其水土有不甚合宜之處耶

兵凶戰危 ○兵凶戰危古人所懼蓋其死亡之眾耗費之款實有非可以尋常計者時至今日則火器日精如是則耗款亦必日奢死亡亦必日甚今試以古巴一地而計自其肇亂以來至本年西三月止班國調兵往戡其亂所用之項至一千八百七十四兆班國銀元合諸英銀則約至四千七百萬磅之多而弁兵之亡者不下十萬人乃今復與美國爭鋒則財之喪命之亡者益復不知凡幾藐茲班國島能當此則其元氣不將由此一蹶而不能復振乎

名目新奇 ○香港中外新報云俄國有一種票獲雋者既得美妻又獲五千魯布之資財其票每張售價一魯布合洋一元買者祇許男子倘獲雋後男子不喜悅女子亦可將此女送與友人如女子不喜悅男子則與男子離異將五千魯布各得其半遂各適其適云譯九州日新聞

諱莫如深 ○俄國內地去年大饑查被荒之處在俄國東南各境共十九省內有十六省一千八百九十一年曾經被荒俄國十九省饑民比英吉利通島人數為多各處存貯米穀均已用罄鄉人面有菜色道殣相望去年冬初俄國內務大臣給老幼各人每月每名麥粉二十七磅年輕力壯者不發然據俄政府云此等言語均過其實慶派官員查訪各處民情重無饑困若此則俄國官場與俄國民情上下相蒙大有兩歧之處也譯西報

電線別裁 ○通信藉電線此定法也乃近來英人有不藉電線止藉地與水以通電者其法創自意人毛哥轟於一千八百八十六年用硫電氣針於天空發電甚靈又有謂創於法人包步司者一千八百七十年其時德人圍困法京斬斷法人電線使不得傳電於外營包步司時為巴黎格物學士於此年九月初十一兩日疊用無線傳電之法自那那生那傳至生忒代奈司由是此法愈精將來五洲電線皆可除去誠節省經費之第一善策也

德君逸事 ○倫敦西報載稱德國君主御名彌達力米筆敏礁揆魯麥固英女主之外孫也誕生於一千八百五十九年正月二十七號其時王祖及王父母均在欣慰之衷固不可言而諭君主美豐姿惟左手無力至今猶難舉重當誕生十餘日之際鄉老數人入宮請謁君主乃祖抱與相見君主目光流轉如電間有一鄉老持時鏢以示君主伸手堅握各鄉老皆頌賢聰乃祖笑謂鄉老曰朕賀亨校闈族內之童無論挈得何物咸不放手可見其生即不凡也稍長好詩歌音樂格致繪畫等事過目不忘故皆精通又酷嗜武藝及十歲時乃祖授以兵頭之職嘗從統領毛樂奇學習兵法有時率兵操練各軍士欽其年少老成而又笑其步履不捷然君主嚴氣正性儼有淮陰侯登臺按劍之風至十一歲時德國與師捷法君主欲往乃祖及其王父母并諸廷臣因其乳臭猶存堅為阻止而君主以為逆意怏怏如也可見其幼而岐嶷也至廿二歲生辰之日行大婚禮娶其屬國之公主為后名阿樂實礁域陶里亞自是之後君主逆料將來必承大統常從故相卑思參講論內政外交諸大事至一千八百八十八年乃祖崩乃父繼位及是年六月十五號乃父亦崩君主繼立但到乃父病篤君主即率大軍環守宮府內外預防意外之變可見其精細也一千八百八十九年往朝英女主女教授以統領英國水師大元帥職銜君主大悅披公服佩利劍矯矯獨立命畫工繪像

可見其威武也英國某畫工君主聞其善繪召其入宮整頓上房待以上賓之禮而該畫工每見君主輒作嘔喘之狀君主詢云爾殆以所居之室爲太美乎畫工曰然君主命居便房而畫工仍有不能自如之狀君主又問爾有何故尙鬱鬱耶畫工答云若蒙恩准吃捲烟穿便服於君主之前則起居始自便也君主俯如所說不帝漢帝之待嚴光可見其大度也中國政事無論大小親自辦理尤欲整頓水陸二軍嘗製御艦船兩艘一極軒廠陳設精良恍同官邸以馳遊也一配極大馬力行駛速率以門捷也一千八百九十年三月間故相畢公與某大臣言事君主查詢畢相深諱及車相退公君主幸其第宅再三詰問畢相答曰臣所議者家中私事不便宣於王前君主曰朕君也爾臣也君爲臣綱理合與聞家事畢相答曰君即可以與聞臣家之事要宜分別界限在臣婦宴客席前之地是外事也可與聞也若在臣婦宴客席後之地是內事也又不敢令人與聞也君主因其大拂已意勃然回宮是日係拜六立降諭旨令畢相於下拜一下午二點鐘登朝辭職屆期畢相未辭君主又降諭旨令於是月十八號辭官畢相至是始知君心之不可轉也屆期遵旨辭職即准予告可見其果斷也以上均係摘譯西報之意但西文與華文篇法不同今但求華文之通順不能循西報之次序明眼人當曲諒也 錄檳城報

再辦廈門平糶 ○本坡諸善董辦理廈門平糶之事經閱數月嗣以薄米已弛出口之防諸米石源源到廈價亦漸落無須藉洋米以供平糶故本坡諸董事自五月下浣以後即未有寄米回廈茲悉漳郡米石近日又復禁止出口以致廈地米源復缺米價亦復漸昂若待新米上市則最速亦須嶺梅開放之期此際正在青黃不接之時則又不得不靠南洋之米以供民食故本坡諸善董業已定議欲於日間再發米石寄回廈境庶得以止米價之高拾矣

輪迴誌異 ○世俗有屢舉子而不育者相傳謂陽鬼借胎去而復來恒弗能絕故有於兒殤後或斷其肢或誌其體以爲辨認使知此兒果係再來與否此雖無稽之說然愚夫愚婦則竟深信不移若其事概出無徵則又何以堅人之信大抵天下事有可解者有不可解者此幽冥之理聖人所以存而不論也乃昨據客來所談一事則又覺有可異者據言帆黎弄三灣斗有詔安漁者林水河於此住居娶有吳氏爲妻連舉兩男均以週歲而殤迨至去年十月間又舉一子至本月廿二日又登殤籍林夫婦自傷命薄因疑兒係冤鬼再來爰將鍋煤塗於兒之左面以爲誌別而後瘞諸原野迨至廿四夜同港廈門人何某之妻適舉一子詎視之則兒之左臉竟作黑色洗濯不脫若塗墨焉時有知林子之事者舉以告林即經林夫婦同往視之見兒面之墨誌儼與前日於殤孩臉上者相同因爲之咋舌驚奇嘆弗能語於是紛紛傳說咸謂何氏之子即林子轉生閩港相傳說爲異事噫是豈輪迴之說果有足憑者耶抑亦會逢其適耶

風狂雨驟 ○廿七晚入夜後忽覺風雨驟至其勢之迫實爲罕見如萬馬千軍排空而至道路諸馬車手車等皆遭風雨預防不及其燈多有被風吹熄者一時道路譁然異常騰沸雖此風雨尙非甚巨然其急猝亦爲向所罕聞也又聞當此風勢忽作之時叻港之內泊有某大船因被風浪漂流即命其船伴繫船距于樁上方欲縛船之際該伴忽被風捲下水中遂不復浮亦可慘矣

臬案六紀 ○昨報臬堂案牘訊至學婦羅亞好陳三妹粵人李亞來之釀命案未經訊定茲悉此案于昨廿八日已經判結羅亞好無罪省釋餘二人則各繫獄一年外另罰銀五百元無銀再禁三個月判畢後即提訊第四起粵婦陳亞五買良爲娼案則猶未經訊畢也

海島雜聞 ○潮人陳某向稅小坡新興街閩人陳成之中紅往來荷屬碼頭運載木料爲生前日由叻啟行前往近港口該船被風吹觸暗沙線上致將其船撞破幸該處已近岸傍船中諸人因得覺洩登岸昨已附搭某輪船回叻聞此船下水未久值銀二千餘元云○閩人吳某昨由荷屬渡沙嶼來叻據云該嶼附近之木板港沉香港等處近日雲雨兼旬山洪暴發沖沒鄉落數處屋宇之被沖塌者計約二百家幸居民及早見機急登高阜得免於難不然即將有性命之虞矣○丁加奴屬龍汶埠西畔港口有海灘一段長約二百餘丈闊約六七丈雖屬沙渚頗覺平衍可居因有漁戶七八家結廬於此以謀網罟之利詎近日西風甚緊潮拍岸不及旬餘之久竟將此灘移往迤東數十丈而前者爲灘之處其水深至七八丈公然可容輪帆停泊海灘移徙亦向來未見之奇也

巨贓被竊 ○車水戲園後街第十八號門牌寶隆打金店樓上于昨廿七夜忽然被竊所失甚鉅計有金器等物共值約六千元另銀紙二千元事後始知匪徒已吞爰即赴案報明請爲查緝

失女報案 ○客人陳某昨赴第一號差館報稱住居衣箱街家有育女一口名曰玉瓊現年十歲廿五晚偶然出門詎竟不知去向連日四出尋訪終覺杳如不得已赴案報聞請爲代訪云云

府堂紀案 ○閩人劉瑞春於廿六日携有銅質鍍金之戒指一枚至土庫寺密街向吉密童子峇里干售賣童子不辨真偽因與議定價銀十五元將成交矣詎忽爲伊父察出其偽鳴捕執之解送府堂廿八日府尊訊畢判劉繫獄三個月充當苦工○前報護署後良方居醫館醫生廖姓於六月初二日被一葡人以偽金盾騙去洋銀八元此事經廖赴案報聞久而未獲又源順街販賣生菓人洪姓及丹戎巴葛路某藥店醫生徐姓均曾被偽金盾所騙以上各事均經本報先後列登茲悉本坡暗差前日已將葡人名隣實略祿者執獲即召廖到案指認果爲前日以偽金盾行騙之人嗣復經徐洪諸人到案認明前者亦係被其所騙此外復有小坡某生草藥店閩人蔡姓標標路某鷄鴨店閩人許姓均曾被其偽金盾所騙昨已陸續赴案控告統計控告該犯者共有五家昨經府尊提訊一次命展至初四日移交正堂審訊○潮婦蕭氏昨控同籍

婦人黃氏於案據稱住居武昌馬路某園以養雞豚為業十八夜園中所畜之雞忽被人竊去一百五十五隻業經赴案報聞其事嗣經查悉此雞係在附近某園同籍人鍾姓家中爰即報差往搜果將原失之雞起獲一百一十六隻惟時鍾適外出祇有伊妻黃氏在家爰將氏執送案中同日府尊提訊一次命展至初五日再訊○是日為提訊工部局控告地方不潔案件之期是日所訊新案共六十起舊案二十起共祇八十起雖云甚夥然較諸往屆已大有認簡刑清之景象矣

來稿照登 ○昨閱貴報附登鍾君藥如稟稿詳讀一過可謂留心國是有志振興雖然愛而不得其當也在鍾君之意則謂欲謀富強之道必先聯合人心斯言審矣但所以聯合人心之法必須有以聯之之道豈僅令各省府州縣屬一夜之間將其民數列而報而人心即能聯絡乎至謂稽查地方積穀之法尤不可行倘在上者果採其法而行之則中國山河恐非復大清所有何也從來為政之道貴鎮靜而惡驚紛况今時事多艱亂氛四起在上方患財源之絀在下轉患征斂之煩四境皇皇朝不保夕加以外患日逼風鶴頻驚國步艱難已殊岌岌當斯際也即有善政而於民間少有紛擾者亦不易行况如鍾君所言則無其利而有其害者乎在君之意則謂中國各地方於一夜之間將其民數及積穀之多寡詳細錄出以報諸官不知此等所為乃最屬駭聞之事中國四千年來未嘗有此辦法今一旦舉而行之則民間大生疑議必有舉而相告曰朝廷查我民數如此認真胡為者殆將知其丁口以爲抽收人稅之地耶朝廷查我積穀如此認真胡為者殆將籍其富厚以爲苛派捐輸之地耶此等猜疑勢所必然即令有司文告法頒諄諄告諭斷無有肯信之者然則此等辦法實逼民爲亂之道在鍾君則謂若行此法則一夜之間能使中國人心立時聯絡然愚竊恐若行此法則一夜之間能使中國人心立時離叛將見攘臂一呼而者四集不崇朝而干戈遍於宇內也世有見事一偏未能統籌利害冒昧上陳因而債事者今鍾君竟以此說上諸當道萬一不幸有深其法而行之因此之故致召亂機試問鍾君其能當此重咎否夫尋常論說得失何關今鍾君之稿係屬稟詞稟內所言係欲陳諸天聽則其干係甚大一得失向全國繫之故余不得不痛切指陳敬告鍾君嗣後立言宜求三思大局所關勿率一時之見而率爾爲之則幸甚矣 順德周雲從稿

盛京卿遵旨陳奏辦理鐵路情形摺

○奏爲籌造南北鐵路時屆半年遵 旨將辦理情形先行奏陳恭摺仰祈 聖鑒事竊臣恭閱

邸抄光緒廿四年五月初八日內閣奉 上諭前因蘆漢開辦鐵路設立招商公司特派盛宣懷督辦計時將及兩年所有勘路購地各事宜應辦有端緒此項鐵路關係緊要豈容觀望延現在業已籌有的款著盛宣懷克日興工趕辦並將辦理情形先行具奏倘再延不開辦玩誤要工責有攸歸盛宜懷能當此重咎即此外粵漢甯滬各路並著承辦各員一體迅速開辦毋得任意遲緩欽此仰見 聖主以幹路爲重要策勵責成嚴申 訓誡俾海內咸迴視易聽曉然於 期廷先務之所急圖功之奮迅嗚呼之下感悚交深伏查蘆漢幹路臣於光緒廿二年九月奉 命會同直隸督臣王文韶湖廣督臣張之洞辦理是年十月 陛辭出都十一月由天津航海至滬當將開辦蘆漢路至保定府一段工程並在上海設立鐵路總公司緣由先後 奏報二十三年三月在漢口工次籌辦漢口至北勘路購地各事以將幹路先後次序操縱機宜會摺密陳並請發准借官款聲明贖保業經與策懇滬亦在開工此兩段來年均可造成九月間又將幹路由楚入豫詳勘襄樊信陽兩道比較便利會摺請 旨遵行聲明北端盧保一段土工已竣物料陸續運到工年內外可開車運料一面派員續籌保定至正定一段買地事宜南端漢口至孝感一段已備備木石各料墊造道橋均仰荷 飭下戶部總理衙門議行在案綜計開辦以來一年有半臣無日不督飭華洋員司分頭勘路按圖購地講求物料催趨工作並在津漢各設鐵路專門學堂及預籌製造各廠不敢稍涉遲延今盧保已開車運料年內全工可竣滬漢月內告成漢口攝口間外江內湖數十里工最艱鉅夏漲以前營石築土亦皆蕩平幸與前奏均符然保定運南攝口運北未能兼程進者則籌款之周折而事變之不及料也總公司原以招集商股爲歸宿但華商須待工成利見而後來臣經辦輪船電報前事不忘近如贖信股票以明詔之剴切官吏之勸諭所得者自服官之人及官力可及之鹽當各商外商民買票寂乎罕聞尤可與圖成難與圖始之明驗臣說帖原議故先官款次洋債而商股後焉盧漢議准借撥部款一千萬嗣會奏請發戶部先撥四百萬連南北洋官款三百萬支付盧保滬漢三股工用業已告罄臣惟路工的款必資洋債而運速難易之權操於出借之人且洋商與中國議借款明暗索向多以利爲誘臣與王文韶張之洞商定議借路款首除斯弊惟我既無私利之心當多爭公司之利彼不能挾制於後愈不肯遷就於前初與美商議病其所索權利過多繼及英商相去不遠臣以事關數十年之利害深慮借款吃虧還款不易筆禿唇焦未敢遽定上年春間馳赴武昌與張之洞面決機宜適有比商嗎西等介漢口比領事就議持向與英美力爭數大端相要比商皆允如議張之洞與臣密商比以鋼鐵工作著名國小而無大志借用此款利多害少遂舍英美而就比兩次定約均達 天聽至正月首次交款之期比國派人來申備言膠州之事大局震動且國債以鹽課釐金抵押歸稅務司管理於前訂之蘆漢借票相形見絀無人肯受另議續約條款要索甚多屢駁屢改拖延數月至於廢約罷議而後轉關連五月初七日始與畫押其間委曲艱難情形隨時皆與總理衙門王大臣及直隸湖廣督臣往返電商迄於無可讓減方與定議並已會同專奏皆在 聖明洞鑒之中比國總工程師司俞貝德赴漢口查勘已做各工訂定頭批借款到華即行接續辦由楚入豫節節前進保定以南迄於黃河比公司必須俟來年續付借款方能接造然圍地築土皆當先期趕辦俟續發部款克日分段購築約計一年道工堅實比款續到接造北段庶幾工無停待一氣呵成臣該總工程師另立文憑除黃河橋工外如無意外撥攔款不中礙限令三年竣工行車粵漢一路自鄂至湘業經督撫臣派員會

同總公司派出之員出往查勘大畧亞曉諭一切惟粵省尚未准委員會勘美欵甫定草約而西班牙開戰美公司稍有所待昨接駐美使臣伍廷芳來電該公司派人過夏後來華勘估全工須俟勘定議立正約即可分頭開工美國路工甲於各國諒無延申審一路英國工程可勘估大槪將竣正約一定開辦必速以今日中國之創借外國之欵而又要之以商借商還絕無實抵不待智者而知其難也紆迴年餘鉤心鬪角三爲主臣初任事亦欲僱用洋工程司任我指使而不假以事權無如中國員司就使皆精白乃心究竟事非諳習華人苦工師之多方挑剔工師代爲營造年限之內其事權略如海關稅務司一切辦料辦工用人理財悉資經理仍事事預請總公司核定而後行此後三路同舉合同內皆限以欵到之日爲始三年工竣臣前與王文韶張之洞會奏蘆漢粵漢合爲一氣竭五六年之苦功當可使南北幹路相爲銜接以符原議等語蓋三路係分三國借款營造緊約寬期互相比較則一成而無不成也惟臣植薄能鮮憂驕長識雖竭盡心力而爲之恐難勝此艱鉅必需選舉賢能各專一路之任與各國工程司按約辦理而以總公司挈其綱領綜其大成又必俟各省督撫巨體 國公忠同心協力庶幾事無阻格依期藏工上紓 聖人宵旰之勤下免微臣貽誤之咎大局幸甚微臣幸甚所有籌造南北鐵路辦理情形謹先繕摺具陳伏乞 皇上聖鑒訓示謹 奏

辦理粵東急賑進支清單詳列

○啓者本院同人前日勸辦粵東急賑經將迭次收支各欵隨時附報聲明茲此事經已告竣爰特將其進支數項彙結詳登報牘以清首尾爲 計開

- 進本叻各善翁共捐來銀二萬七千四百八十一元
- 進英蓉各善翁共捐來銀八百元
- 進金寶各善翁共捐來銀七百四十五元
- 進銀行補匯水來銀三百八十元零五角
- 支第一批匯東華醫院去銀六千五百元
- 支第二批匯東華醫院去銀六千元
- 支第三批匯東華醫院去銀五千元
- 支第四批匯東華醫院去銀五千元
- 支第五批匯東華醫院去銀三千五百元
- 支第六批匯東華醫院去銀五千元
- 支第七批匯東華醫院去銀五千元
- 支第八批匯東華醫院去銀九百七十元
- 支第九批匯東華醫院去銀一千零三十五元
- 支往來電費去銀一百六十四元一角二分
- 支馬車什用去銀十七元三角
- 支叻星兩報告白去銀一百六十七元零八分
- 合支去銀三萬九千三百五十三元半
- 進吉隆各善翁共捐來銀五千一百二十二元
- 進仰光閩省各善翁共捐來銀四千六百九十四元
- 進務邊各善翁共捐來銀一百六十三元
- 進匯水共進來銀三萬九千三百八十五元五角
- 支第三批匯東華醫院去銀六千元
- 支第六批匯東華醫院去銀五千元
- 支第九批匯東華醫院去銀一千零三十五元
- 支叻星兩報告白去銀一百六十七元零八分
- 除支之外尚存銀三十二元此項撥交本院以充善欵

合夥聲明

○啟者新嘉坡吉甯街門牌第十號萬福和九八兼客棧生理股份人梁采濱 田森和 熊翼亭三人經已將其股份退出頂與陳玉堂承受茲由陳玉堂再招到林汝昌承受梁采濱等三人所退之股即由八股人林汝昌與司理人陳玉堂同在店中司事日後生理盈虧按股均沾用將此事登錄報中以便顯據特此佈聞 大清光緒二十四年七月廿三日 萬福和號謹啟

遺失職字聲明

○啟者近有以囑及日曬之貨二起由本船附寄來叻不意其職字偶然遺失但此貨經已掛號交楚倘 諸君拾獲以上之職字係同慶紙特此聲明 光緒廿四年七月二十三日 鹿拿納粉輪船麥爵廷謹啟

草聖暫駐

○朝鮮尹君溪石草法本地人士已所欣賞今由吉龍而返叻現寓於單邊街新巨泰三樓開筆更駐一月動身其潤資均照舊例新到上海箋及金粉紙寄售 光緒廿四年七月十八日 啟

火船出投

○啟者茲定於西實添末月十五號即華本月三十日禮拜四上午二點鐘在本館內拍賣火船二起 其一火船一隻名曰新萬裕其船長有二百零五英尺闊二十七英尺八因脂深十五英尺五因脂堪載九千五百担此船現在常川往來閩浙嗎辰實叻等處其二火船一隻名曰新北加且長一百五十二英尺闊二十三英尺深十二英尺堪載七千五百担該船現亦常川往來閩浙嗎辰實叻等處諸君有欲知其詳細可檢閱英字拍賣章程便得特此佈 聞 大清光緒廿四年七月初拾日 大英一千八百九拾八年八月廿六號 巴越館主告白

藥店召頂

○啓者茲有藥店一間生理尙堪過得祇以該店主人事務太煩不能顧及今欲將此店頂與他人承受有合意者請至叻報館面詢便得 光緒二十四年七月初三日 叻報館代啓

報館面詢便得 光緒二十四年七月初三日

新到上等機器油

啓者茲本行有新到之機器油一種此油乃上等之貨所有輪船火礮火鋸及一切機器如用此油者較於卑麻油實有過之且其價值較卑麻油爲廉每担約少三四元之譜 諸商有欲購用此油者可至本行取其油辦試之即能知其妙處更可以見本行之語非虛也特此佈告
大英一千八百九十八年八月十八號
薛珍目兄弟公司謹啟

實知賓西醫鑲牙告白

啓者余精習鑲牙之業并知牙科醫道凡與人脫牙并無痛楚而所鑲之齒由一二枚以至全副俱能鑲安如鑲全副者乃用最新之法其齒自能嵌固勝於舊法用彈弓者多倍又能以電氣參入醫道以醫脚風骨痛現再究得新法能治肺疾及風濕疼痛骨節堅強等症并爲烏里燕達性命保險公司代理華人性命保險之事 諸君賜顧請至末得里路第六號門牌樓上面商爲盼
大英一千八百九十八年六月二十八號
牙科醫生實知賓謹啓

店舖出租

啓者茲有店舖一間坐落溝仔墘第廿五號門牌即順源棧之隣前經該棧稅爲貨棧者茲欲將其樓下及後樓出租與人諸君有欲稅住者請至墊邦路頭豐興號內向余詢問便得特此佈聞 光緒廿二年十月廿四日
薛連錫謹啟

福建漳洲府詔安縣江天恩先生精岐黃之術存保赤之心發藥不虛活人無算於何見之緣豚兒本年正月間偶沾外感之症午後潮熱發嗽延醫治理後變爲癆嗽初不以爲要及至閏三月忽兩骨枯肉脫昏迷不省人事兼以泄瀉日夜臥於床席諸藥罔效幸九昌號黃孫江兄見此症危甚特地爲余保荐云非江先生難期奏效於是敬延診視不數劑而藥到春回十餘日而大病消除精神強固於戲先生醫道可謂神矣具此手段非折肱妙手曷克臻此昔人所謂一鄉有良醫乃一鄉之福一邑有良醫固一邑之幸先生今在豆腐街口致中和藥行內懸壺濟世豈非星嘉坡之幸哉余先受其福焉爲勸數言以鳴謝悃甚願有采薪之憂者登堂請教定卜同躋於仁壽也夫
大清光緒廿四年七月廿三日 鄭譽錦敬啟

時雨軒藥酒發售

蓋聞藥酒之功用甚宏何以市井懸壺屢試罔驗此非藥酒之不效殆亦所以製此藥酒者之未得其宜也惟本軒所製各項藥酒詳究醫理細訂良方復選地道藥材購醇醪而醱釀故其奏功甚速迥與別家不同即如追風去濕藥酒舉凡一切風濕等症服之皆效大樽價銀五角小樽價銀三角及滋補百歲藥酒性非寒燥固本扶元服之固可延年益壽每樽價銀四角又參茸三鞭藥酒如腎虧遺精體倦神疲服之並可壯陽而種子每樽價銀八角又軍中跌打藥酒如跌打刀傷積瘀暴腫服之併可舒筋絡而止腫痛大樽價銀一元小樽價銀五角又婦人經期肚痛藥酒如經期不調肚痛白帶服之亦可調經而銷瘀每樽價銀四角 以上各項藥酒皆本軒留心監製屢試屢驗方敢出而問世所望 諸君沽而試飲方知余言不謬并希認明招牌古鼎爲記庶不致誤惟本軒所擬各價係以平日所沽而論至逢每月初二十六日照價九折以廣招徠 一本軒係在新嘉坡牛車水大馬路戲園街口開張 一在芙蓉埠廣生號寄售 一在吉隆坡恒棧號寄售
大清光緒廿四年六月廿九日 時雨軒主人謹啓

正呂宋烟發客



啓者本號親自在小呂宋採辦意未印拿廠揀選正地道烟葉製造各款星妹麥仙花麥雙馬麥呂宋烟枝經已馳名中外其雙馬麥中更有二百庄白結度經尤爲冠美氣味香順蒙探客留心細察庶免魚目混珠今在新架坡馬交街門牌第四十三號並承辦各款呂宋烟發行貨真價實最屬相宜以圖久遠 諸君光顧請移玉到本號面議是禱各款麥頭太多不能盡錄謹此佈 聞
大英一千八百九十六年十月十九號
新嘉坡馬交街生昌泰謹啟

豐源號

輪船開行日期
本號輪船往來各埠定期開列如左 在各埠往實叻日期
由麻六甲往芙蓉每逢禮拜二六日中午十一點鐘開行
由各埠回實叻之日
由麻六甲回芙蓉每逢禮拜二五日上午十點鐘開行
各輪船在叻往麻六甲吉隆坡實蘭午 等禮拜五日三點鐘開行特此佈

在實叻往麻六甲每逢禮拜一五日下午四點鐘開行
由芙蓉往吉隆坡每逢禮拜二六日下午六點鐘開行
由吉隆坡回芙蓉每逢禮拜二四日下午四點鐘開行
由麻六甲回實叻每逢禮拜二五日下午四點鐘開行
豐源號謹啓

新印台灣地圖寄售 啓者茲有新印之臺灣地圖精細異常經緯度數井然不紊所謂羅千里於咫尺者目今台事戰爭未已有正人心所宜亟爲攷究者 諸君賜顧請移玉至本館面商可也 大清光緒二十四年五月十三日 本館謹啟

正金鐘標萬蘭池酒發客

啓者本公司所督辦正金花鐘標萬蘭池酒久已馳名叻地諸華商均喜用之現已議定與本坡酒公司包辦以應客沽凡華商諸君有欲寄沽者請至酒公司沽買便得如買成起以便配往外處者仍可至本行沽買至此酒



所上有各票如無本行丕秒呼峇華字者即爲假貨幸勿爲之誤買本行有厚望焉
大英一千八百九十八年正月十三號
丕秒呼峇即前加珍洋行謹啟

製法之法
精妙異常
酒味甚清
以之蒸釀
者皆爲上
等之料保
無偽充之
弊此酒若
在本坡沽
飲甚屬合
宜且價亦
其廉用須
翁沽用須
爲留心辨
明以免魚
珠之混現
新嘉坡嘉
不辦專
峇呼峇
司公峇呼
售發酒美
標印明認
顧光君諸
庄原木東
膠係前

紅首冠仔標萬蘭池酒出售

啓者本公司所製之紅首冠仔標萬蘭池酒馳名已久乃在歐洲名家所製自一千八百一十九年相傳至今已閱八十年之久而其酒有收存數十年方肯出而沽賣蓋者其熱氣概已全消所以諸君沽飲者均深獎譽現在歐洲一帶各國之人無不喜飲此酒因其氣味清香遠勝於他酒故也是以本行特辦此酒來叻發售自此酒到叻而後凡沽飲者無不盛稱其美且此酒與本坡天氣甚屬合宜諸翁賜顧祈細心辨認紅頭庄及以上所列各票頭并有來士古乙拿模只公司等西字爲憑庶免爲魚珠之混是所切盼



Bisquit Dubouché & Co.
COGNAC

啓者本行所售之鐵廚在本坡馳名已久素蒙各君購用莫不盛稱其妙計此廚之大小共有五種而價甚相宜此鐵廚乃歐洲著名工師所製極爲美善本坡所有西人齊智人以及作椒蜜生理諸華商多向本行沽買以爲貯銀之用因本行所沽者均用頂上物料製造而成不惟能壯觀瞻且異常堅固無論火燒盜劫均可無虞貨美價廉莫此爲甚倘各君有欲購此廚以收藏重寶者可至本行選閱是幸此佈
英一千八百九十八年正月十三號
丕秒呼峇公司即前加珍洋行啟


大英一千八百九十七年二月十二號
丕秒呼峇即前加珍洋行謹啟

戊戌年月份牌發客

啓者本館新印戊戌年華英月份牌現經告竣至本年刷印所以畧遲之書實緣明年晦朔節氣頗有參差本館鑒於前年叻地諸家之悞故有敢冒昧從事爰特按照欽定時憲由詳加校勘所有差餘氣節悉無訛舛庶得以仰副諸君子惠顧之殷至於圖畫之式亦已概改舊觀以期一新眼目諸君賜顧請移玉至本館面議價其相宜倘欲躉買更富格外從廉特此奉聞諸惟 惠照

本館謹啓

鐵廚出售




啓者本行所售之鐵廚在本坡馳名已久素蒙各君購用莫不盛稱其妙計此廚之大小共有五種而價甚相宜此鐵廚乃歐洲著名工師所製極爲美善本坡所有西人齊智人以及作椒蜜生理諸華商多向本行沽買以爲貯銀之用因本行所沽者均用頂上物料製造而成不惟能壯觀瞻且異常堅固無論火燒盜劫均可無虞貨美價廉莫此爲甚倘各君有欲購此廚以收藏重寶者可至本行選閱是幸此佈
英一千八百九十八年正月十三號
丕秒呼峇公司即前加珍洋行啟

售發廚織名馳

嘗思營生之道所最要者則惟數簿其次則惟銀兩然必須有以善藏始無意外此本行鐵廚所以為 諸翁之所共賞也啟者本行所賣之鐵廚久已馳名於東方一帶而於叻坡則聲名尤著至本行購賣此等鐵廚已有三十年之久其製甚為堅固保能避火且其鑰匙甚妙斷非盜賊等所能開計其廚全身均用鐵製成並無雜以木料且諸廚自前至今均為一式堅固耐用



有優劣之分至於各廚大小不一而價值則約一百元至四百元凡用之者可保其不礙焚燒即火災亦無所損本行之鐵廚實為叻坡諸華商



所喜購而本行每年所沽亦殊不鮮茲特為之錄佈倘 諸君有惠顧者祈即玉臨選購為盼 大英一千八百九十八年正月一號 大清光緒二十三年十二月十八日

明嗎也洋行謹啟

售出品三

啟者本行督辦歐洲馳名三品洋酒來叻發售其酒係白頭款式發售有年沽飲 諸君莫不稱其香美奈近有無恥之徒假冒本庄三品酒款式以圖魚目混珠情殊可恨嗣後 諸君購買本行白頭三品酒者請細認本號招牌之內



有小紙包頭註明華字新嘉坡明嗎也公司者始真若無此字樣即屬偽冒請為細認特此佈告 大英一千八百九十八年正月一號

明嗎也洋行謹啟

賣發酒密烏



啟者本行向由英國督辦各種美酒來叻發售久已遐邇馳名茲復由英新辦到頂爾士斗雲字號之狗頭票烏密酒到叻應沽此酒香美異常不惟飲之可口且能保養精神調和血氣常飲令人不生疾病誠酒國中上品也 諸君光顧應細看以上所列之狗頭標庶不致誤且價甚相宜倘 諸君有欲酌飲者請至本行取用可也此佈 英一千八百九十八年正月一號 光緒廿三年十二月十八日 明嗎也洋行謹啟



敬啟者茲本公司親由法國督辦頂上好萬蘭池酒來叻發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬蘭池酒無有能出其右者誠佐饌中妙品也至此酒惟本公司一家沽出餘無別家出售 諸君光顧請細認蜂窠標頭為記並細辨香味方不致誤價甚相宜倘有劉伶之癖者祈早至惠臨購買是幸 英一千八百九十八年正月一號 大清光緒廿三年十二月十八日 明嗎也洋行謹啟


明嗎也洋行謹啟

賣發酒蜜



啟者茲本行由歐洲辦到上等蜜酒來叻發售其酒甚佳茲將標頭印出 諸君光顧為細認免致有誤近聞有無恥之徒假冒本行鎖匙標飲希圖魚目混珠最堪痛恨今本行再行核定於酒樽木枳內加鐵烙鎖匙形以示分別倘 諸君有知何人假冒請到本行報明即謝花紅銀二百大元經官訊定即能給發斷不食言再此酒不能販往 加勝巴 三寶龍 泗里末 望加錫 檳榔嶼 日裡等處其他埠均能運往並此佈聞 大英一千八百九十八年正月一號 光緒廿三年十二月十八日

明嗎也洋行謹啟



光緒三十四年七月二十八日 滙票行情 叻報刊

舊烟土	無貨	新烟土	七百三十八元
上甲錫	四十三元五角	叻白椒	四十二元半
叻甘蜜	五元三角	叻青每担	四元五角
足金每望葛	七十八元	吧青每担	四元五角
呂宋青每担	五元七角半	金盾一個	十元零二角半
金盾行情	金盾一個	印度盾	一百五十盾
爪亞盾	一百元兌	滙票行情	一百二十盾半
滙香港	銀行現銀票一百元貼銀行	滙廈門	銀行現銀票一百元銀行貼出
滙加勝巴	銀行現銀票一百元銀行貼出	滙泗里末	銀行現銀票一百元值
滙三寶瓏	銀行現銀票一百元值	滙望加錫	銀行現銀票一百元值
滙井里汶	銀行現銀票一百元值	滙仰光	銀行現銀票一百元值
滙加里吉打	銀行現銀票一百元值	商人三十日期票	一百四十七盾
商人三十日期票	一百四十七盾半	商人三十日期票	一百四十七盾半
商人三十日期票	一百五十二盾半	商人三十日期票	七十三兩
商人三十日期票	七十六兩		

火 船 開 行

高浪霧	絲峇峇魯輪船	廿九日	上午十點	巴智申洋行	
望眉	又	又	又	又	
麻六甲	麻六甲輪船	廿九日	下午四點	實得力公司	
吉龍	大白蠟	又	又	又	
網略	密魯沙輪船	廿九日	下午四點	棉不必洋行	
香港	加那加嗎魯火船	廿九日	下午二點	巴智申洋行	
日本	又	又	又	又	
麻六甲	北研	廿九日	下午二點	豐源號	
芙蓉	吉龍	實勝午	又	又	
彭亨	巴勝那輪船	廿九日	上午十一點	綸豐號	
北研	關丹	吉蘭丹	又	又	
峇株巴葛	御麟宜輪船	廿九日	中午十二點	紹源號	
香港	那蘭目	輪船	廿九日	上午十一點	明嗎也洋行
日本	又	又	又	又	
網略	慕娘	輪船	廿九日	下午二點	萬豐號
麻六甲	新實密輪船	三十日	下午一點	慶發號	
密宜	又	又	又	又	
麻六甲	昭丕耶輪船	三十日	下午三點	萬瑞芳號	
吉龍	又	又	又	又	
蘇坡	依沙嗎勝輪船	三十日	下午二點	豐源號	
檳榔嶼	漳福建輪船	三十日	下午四點	合隆號	
吉龍	汝勝	輪船	初一日	下午四點	實得力公司
大白蠟	又	又	又	又	
檳榔嶼	漳州	輪船	初一日	下午四點	邱益成號
麻六甲	薩寶	輪船	初二日	下午四點	實得力公司
芙蓉	吉龍	又	又	又	

前途來云電德國郵船名南士達於七月二十五日 由高浪霧啟行來叻 定於本月三十日禮拜四即能抵叻 上絡客貨訖即往 香港上海 等處